

『國家社會科學基金重大項目（11&ZD119）』

中國人民大學佛教與宗教學理論研究所

何建明

主編

中國地方志
佛道教文獻匯纂

寺觀卷

（94）



國家圖書館出版社

蘇州府志卷第四十

寺觀二

福濟觀在臯橋東俗稱神仙廟宋淳熙間建初爲巖天道院元

至大間重建賜今額至正末燬明成化間重建

宋道士陸道堅嘗與省幹

王大猷設雲水齋於此感純陽呂仙授以神方大猷子孫傳以濟人見徐有貞記

嘉靖間燬萬曆十

三年重建

乾隆吳縣志作三十四年

國朝康熙六年觀主姚宏勝延寫

隆山鐵竹施真人重建二十三年重構山門乾隆八年修嘉

慶中燬於火二十四年巡撫陳桂生重修咸豐十年遭粵匪

之亂山門燬同治十年重建

明陸榮福濟觀重建呂仙祠碑銘福濟觀建呂仙純陽祠蓋成

化中道士郭宗衡始爲之而武功徐公記其事云夫神仙竊惚不可知然觀王大猷所遇則又甚顯妙化元跡龍升霞顧

蘇州府志

卷四十一

孰能測識之哉余嘗聞純陽舉進士不第棄去遂學爲仙是以乘三光遊帝庭爲可致而土苴文章芻狗富貴視吾儒之論著琬炎勲鼎羹者果不足尙乎然眞風靈異又往往足論以濟世而福民是故神明之異貺生人之別造也嘉靖甲申以祠火道土北山周以昂再建焉棟宇鮮勝丹堊互照中設仙像旁翼隆巖廡洞門神室鬱然雲開於是復爲眞境矣北山少學道獨扣元宗閑神曠思翛然塵外然又慕儒行習孝友敦埋義爲時所重又嘗與高逸者遊詩酒彌日樂而忘倦然問以神仙事則默且笑嗚呼是誠竊惚不可知耶抑有之而固難測識耶祠成請銘於予更十餘年始克爲之其辭曰闔閭東表虹橋西絡眞苑叢開新宮載作神居鸞峙靈堂虎躍雲構高翔天工巧削雄柱含舛文題引鶴日抱璇梁霞流瑤閣邃宇芝成洞房綺錯采垣周廊麗張夏幕銀榜初輝金函迺託館伏蒼龍門呵朱雀星攀桂戶風搖蘭薄蔽檻千禽翻階萬萼絳府嵯峨元從綽約龍駟天門螭衣霧落鳳銜紅節麟吹紫鈔瓊女鳴簫玉童捧勺來往太清逍遙眞樂祥光一臨仁飈四廓福溥下民惠同上藥極壽乾坤永標丹蘄嘉靖壬寅冬十二月望國朝陳桂生重修福濟觀呂祖師大殿記粵惟嘉慶十年尙書姜公晟奉命觀河歸以純陽呂祖師靈佑之功敬告天子有詔於淮陰建

祠崇祀

欽定熈元贊運之號冠諸原銜之上仍令直

省大小守土之臣各於有廟處所春秋仲月諏吉致祭三獻

九拜如禮惟祭物止用果品饌餅不具牲牢以符真一清淨

之化煌煌鉅典載在禮官所謂籩豆之事則有司存者也乃

事當肇始或闕焉未舉子撫吳之歲詢諸邦人吳郡舊有福

濟觀在城中西北隅向爲士民崇奉呂祖師之所近歲遭鬱

攸之災方議修建未復舊觀余於仲春之吉入廟致祭親見

夫棟楹草創像設猶虛上雨旁風神無寧宇爰率屬捐俸鳩

工庀材塗茨丹雘次第畢舉夾窗重屋鳥草鞏飛復拓南榮

三楹以爲祭時行禮之地是役也經始於嘉慶己卯孟夏之

月至仲秋而落成凡用金錢二百四十萬有奇而士民草創

之費不與存焉工既訖官民請紀其事竊惟國之大事祀居

其一唐虞三代以後惟類帝禋宗古今無所沿革其他羣祀

皆因時制宜若漢之祀明星太一唐之祀壽星媼龍宋之祀

醺神大角皆是也記曰非天子不議禮蓋朝廷者禮之所自

出凡禋祀之舉重以天子之命則馨香所被義協天人今

天子聖德神功超越今古懷柔所及山川百神靡不欽格況

呂祖師不宣道妙宏範諸天載諸祀典上以爲國家絳祈

天永命之庥下以爲蒼生致錫福弭災之應某職典封圻其

敢弗虔其敢弗格以對揚天子庥命謹拜手稽首而

奉州府志

卷四十一

寺觀二

二

爲之
記

三茅觀在城西南隅

姑蘇志在中街
路仁風坊內

宋淳熙間建

祀三茅
眞君

元天

曆二年重修奏賜額至正末燬明洪武初歸併福濟觀正統

二年重建正殿增初立天閣

國朝康熙九年建玉皇閣再

修大殿

崇眞宮在承天寺西宋政和八年郡人黃悟微捨宅建賜額崇

眞聖壽宮宣和中改神霄宮建炎中改崇眞廣福宮有宋宸

翰二碑

吳郡志門有青石橋扶闌雕刻之
工細如絲髮爲吳中橋闌之最

明洪武初歸併

妙觀正統間重建萬曆二十三年建立天殿二十九年修

上

城中
宮觀

上聖觀在閭門外南濠舊名祐聖山居元至元間道士楊道常

建

前志作明引治甲子誤

國朝康熙六十一年燬於火雍正初重建

道士施南音請

賜今名和親王書額乾隆八年重修闕帝殿

上眞觀在穹窿山三茅峰相傳漢平帝時建始爲道院宋天禧

五年重建改上眞觀額

前志云歲久傾圯斷碑僅存依稀見上清司命三茅眞君及延祐年號數

字又彭璫穹窿山無量殿古斷碑記云宋徽宗朝建皆在天禧之後茲從光福志

國朝順治七年

道士施道淵興建康熙間始竣四十四年

聖祖仁皇帝南巡臨幸

敕賜餐霞挹翠額雍正八年修三清殿乾隆三年修三茅殿六

蘇州府志

卷四十一

年置修葺田若干畝道光十六年里人錢鳴萃重修咸豐十年經兵燹廟宇殘燬同治中重建

靈順宮在東洞庭之楊家灣祀相國伍子胥創自貞觀二年宋高宗南渡時扈蹕官軍分道經湖風濤不可航禱神立應爲遣官齋金葺治封子胥爲忠武英烈顯聖安福王里人楊嗣興捐地若干畝益恢其故元季遭紅巾之亂殘燬殆盡明初里人王萬一等捐資重建宮故有茅君殿嘉靖間倭寇入顯靈保障國朝順治中里人重修

靈祐觀在洞庭西山林屋洞旁舊名神景宮唐乾封

盧志作乾符康熙志

分靈神景爲二前志亦沿其誤今改正

二年建

國經續記云明皇時建又云唐時段龍簡於此因建宮

元

和四年道士周隱遙重修宋天禧五年詔郡守康孝基重建

賜今額明嘉靖七年重修里人馬鯤記後廢 國朝雍正元

年重修葉長揚記

案姑蘇志云有宮廊百間謂之百廊三殿東照志堂前有垂絲檜三株其名縷絡

樹前志又有下宮觀在靈祐觀之西今廢 唐皮日休神景

宮詩夜半幽夢中扁舟似覺躍曉來到何許戲倚包山腳三

百六十大攢空利如削選瞻但徒倚欲上先矍鏘濃露濕莎

裳淺泉漸草屬行行未一里即境轉寂寞靜徑侵汶寥仙扉

傍巖粵松聲正清絕海日方照灼紋臨幽虛天萬想皆擺落

壇靈有芝菌殿聖無鳥雀瓊幃自迴旋錦旌空燦錦鼎氣爲

龍虎香煙混丹雘凝看出嶺雲默聽語時鶴綠書不可注雲

笈應無鑰晴來鳥思佳崎裏花光弱天籟如擊琴泉聲似琤

鐸清齋洞前院取負元科約空中悉羽章池上皆蘊藥金醴

可酣暢玉鼓堪咀嚼存心服燕胎叩齒讀龍蹻福地七十二

茲焉堪永託在獸之虎獵於蟲不毒蠹嘗聞擇管錄仙誌非

可作緣腸既朱髓青肝復紫絡伊余乏此相天與形貌惡每

朱州志

卷四十一

寺觀二

四

逗崎岨高步人神景灑灑襟袖清如臨蕊珠屏雖然羣動息
 此地常寂靜翠澗有寒銷碧花無定影憑軒羽人傲夾戶天
 獸猛稽首朝元君寒衣就虛省研空雪牙利激水石齒冷香
 母未垂嬰芝田不論頃遙通河漢口近撫松檜頂飯薦七白
 蔬杯麗九光杏人間附塵躅固陋眞鉗頸肯信林黿頌猶疑
 夏蟲永元津蕩瓊瑩紫禾啼金鼎盡出水霜書期君一披省
 皮曰林三宿神景宮古觀今且寂幽人情自怡一來包山
 下三宿湖之湄沉此深夏夕不逢清月姿玉泉浣衣後金殿
 添香時客省高且飲客牀燭復奇石枕令人腦笋席寒侵肌
 氣清寐不著起坐臨階墀松陰忽微照獨見螢火芝素鶴警
 微露白蓮明暗池窗櫺帶乳鮮壁縫含雲鞋聞磬走魍魎見
 燭奔羈雌沆瀣欲滴漉芭蕉未離披五更山蟬響箭發如吹
 簾杉風忽然起飄破步虛詞道客巾異樣上清朝禮儀明發
 作此事豈復甘趨馳陸龜蒙和靈蹤未徧尋不覺豁色暝
 迴頭問棲所稍下杉蘿徑巖居更幽寂澗戶相隱映過此卽
 神宮虛堂偃雲性四軒盡疏達一榻何清淨香髯聞玉笙敲
 鏗動涼磐風疑古松拉露墜修荷柄萬籟既無聲澄明但心
 聽希微辨眞語若授虛皇命尺宅按來平華池漱餘淨頻窺
 宿羽麗三吸晨霞盛豈獨令衣襟便堪遣造請徒探物外趣
 未脫塵中病舉手謝靈峰徜徉事歸艇
 (宋范成大題靈祐)

觀陽谷西門鎖洞宮古苔斑駁檜蒙茸百廊三殿惟冒井萬壑千巖有瘦筇以上城外宮觀

玉樞道院在府城隍廟西創建無考內有雷尊殿斗姆閣其西卽錄功祠

高眞道院在織里橋南宋嘉泰間建明正統四年修 國朝康熙三年葺

清微道院在支家巷宋端平間建明初歸併福濟觀永樂中里人成普元募建正統丁巳道士王嗣先建閣五楹奉三官神

像弘治十四年重修都穆記崇禎十三年康熙志作天啟二年按牛若麟崇

禎十年任不當在天啟前康熙志誤知縣牛若麟重修三官閣自爲記 國朝

嘉慶己酉道士金道誠重修平邱蔣球玉記

蘇州府志

卷四十一

明離道院在天庫前初建無考道光十九年重修

以上城中道院

富春道院在木瀆鎮宋治平間建明萬曆二十五年巡檢王乾

修 國朝順治十八年募建真武殿康熙二十三年重建

全真道院在光福迂里宋淳祐初建明萬曆十二年里士李佳

重修 國朝康熙十九年道士黃清靜重建道光十六年重

修 以上城外道院

附已廢寺觀

景德教寺在吳縣治北

姑蘇志黃牛坊橋東案牛當作鸛

晉中書令王珣捨宅

置元末燬明洪武中歸併永定寺永樂二年重建嘉靖二年

廢 康熙志 十一年卽寺基改建王文恪祠

姑蘇志元楊載明姚廣孝皆有記

雍熙寺在周武狀元坊

宋太尉周虎居此

本周瑜故宅梁天監中郡人

陸氏捨宅置高僧清閑居之號法水寺唐僧壁法重建宋雍

熙中改今額寺有子院曰華嚴曰普賢曰泗洲皆爲講教之

所有方塔後廢明洪武初以其地爲城隍廟僧廣宣乃卽廟

左重建寺成化二十二年僧宗翼修萬曆元年僧名空重修

國朝咸豐十年燬

龍興禪寺在吳縣治西

吳郡志在吳縣西南

梁時置

吳地記云唐武后置御書額開元五年再

興刺史張延珪

宋紹興間於瓦礫中得唐房琯所撰寺碑韋

夏卿再立者敘寺之蹟頗詳明洪武初歸併廣化寺尋廢

國朝康熙中重建

唐房琯龍興寺碑序厥初道在人和上皇取象以濟其略中古亨薄人散東周出禮

以順其動後代澆極人妄西方流化以復其情夫動與理違
 靜與道遇詩書之義尚乎聰明其終動以乖乘戒之旨反乎
 視聽其終靜以適然則先王之作其未盡歟如來之道其無
 上欲觀其數乘方駕愚智各新其業大慈一貫胎化咸遂其
 情法要賜言佛性可以懸得禪宗陰契菩提可以程至通天
 上地下之事達前生後身之理歷劫必遇其勝因累生固成
 其前果輪迴拯厄無物不盡非釋迦如來孰能至於此乎精
 宮爲歸誠之地比邱是覺後之人非明主良臣孰能崇於此
 乎此宇宙我高祖創集之我列祖潤色之則天皇后中徽之
 孝和皇帝再興之此龍興寺則孝和之天下諸州各建同號
 所以慶王業也雖棟宇已立而裝持未嚴開元十七年天火
 下焚僅獲半存州將皇三從叔無言聖脣帝緒稟受自高發
 慮存誠與庶品不類於彼無度外之物在我無累已之人廣
 不可尋深難以測政成化溥身逸俗康位居藩牧與天子共
 理親則叔父與人主同家護社稷深於他臣視龍興別於餘
 寺興言多感舉意大成以家率先施錢數萬合境僧尼等道
 會一體物通十方同力來奉佛塔此州是闔閭故國秦伯始
 封習俗尙華人毗克讓聞義風偃捨財雲集上座戒嚴長江
 氣雄心朗才極寺主行虔外想遺形苦心堅行相與戮力營
 衛受仗州主由是發人取材輦貨購匠川流咽塞道路相望

蘇州府志

卷四十一

寺觀二

七

體製路決於公輸環巧採奇於衆藝程旣定百工齊舉素無
特起舊有增飾脩正設之西齋長廡之南垂廊開房屋增
廊廡庫高閣疊起以下覆三門並建以相挾如少華之承西
獄少室之拱維嵩彩翠虹新樂廬雲密欽福已就宛然化成
右驛亭左城堞巨望直視增面齊起背倚闌闔俯朝盈夕散
之人前挑通莊開朝京適越之士地當聚落之腹壯爲塔廟
之首標吳中之巨麗實天下之景福向若衆生無緣則佛不
出世衆教何由及此乎聖祀非長則帝不出震龍興何以建
寺子州無賢牧則蒸庶不化財力何以得廣乎百祥畢備成
是寶功是可以光揚前烈孚祐下人也瑄浮客一過舍舟投
體目駭奇功心賞直節輕諾敘事不甚明瑄銘而頌之實在
能者系母潛銘在昔元命運革唐德大象有歸神器載復
天人用慶元津廟福乃命率土崇之法堂錫名取類棟宇以
光善本物持淨亦神護發地騰焰莫知其故疏綴煙銷迴廊
盡去半落層構斜通平地烈烈皇叔總我古城衆設不覩風
埃咸盈崩殘不葺忠孝何并乃廣其施誘人助成英英郡貳
亦既同聲架桀僧士誰非會情投心霧塞效信泉傾舊制俄
滿新規更營龍跳透檻虎翼飛薨與國同功配天作程假詞
紹美吁其以驚貞元中造寺僧元壹神悟寺主靈俊上座靈
琬都維那靈口口經營結構心願廣成化攝有緣捨施雲會

取材斬木驟水奔山驚塗數千克期以就戊寅歲刺史給事
 中京兆韋公夏卿言念棟宇修復碑記起廢爰獲舊文重此
 刻立時十四年又十月十五日又宿龍興寺留題香刹夜
 忘歸松青古殿屏燈明方丈室珠繫比邱衣白日傳心淨青
 蓮喻法微天花落不盡處處鳥銜飛（元趙孟頫次韻贈閑
 白雲聞說龍興寺多年未款扉風林發松籟雨砌長苔衣殿
 古燈光定房深磬韻微秋風動歸興一錫向空飛（虞集和
 前韻凌空一錫歸幾日到禪扉野橋陰垂戶天花影上衣井
 牀春露淨檐鐸午風微三藏都看徧相思夢欲飛（唐胡
 寺松間幾易屏花交珠樹網苔長石人衣秋水依空淨浮雲
 映日微白雲無所住此際亦歸飛又寄閑白雲龍興寺裏白
 雲房不到於今二十霜橘柚向來垂屋重松筠比日過人長
 千函秘寶心源淨百歲長齋齒頰香
 若念尚書舊行履三生石上莫忘鄉

報國禪寺在府學西亦南園遺址也舊爲院宋咸淳間建

康熙志元

至正間建百城煙水元至
 元間普照明禪師開山

明洪武初歸併開元寺天順初僧

志學重建賜寺額成化間始成巨剎蔡蒙記萬曆三十年修

祝允明記四十五年重修崇禎十四年知縣牛若麟建惜宇藏於殿右自爲銘

海宏寺在朱明寺南元樓子和尙創

康熙志作宋至德間前志宋作元案宋元兩朝皆

無至德紀年有之惟陳後主唐肅宗然自姑蘇志以上此寺皆不載則又非唐以前古寺可知至德二字疑爲至大至正之誤特未

可臆斷耳

國朝順治間里人洪正重建康熙十年重修今

改爲管糧通判署遂廢

以上城中叢林寺

利濟教寺在閭門外南濠姚家衙宋紹興間僧道隆建明洪武初爲叢林成化六年燬二十三年重建楊循吉記

石佛淨土寺在閭門外南濠南齊時何求嘗開講於此宋嘉定間重建明洪武初歸併利濟寺成化間又建萬曆中廢天啟